

Xi³ ma³jan²-ni³ xon⁴ xi³ pa²stro⁴ Juan qui³squi³

Juan si¹ti²²nta³

¹An³ nia¹³ cho⁴ta⁴jchi¹nca³ ti²cji³-le²³ Gayo, xi³ n⁷ion¹ tsjoa³que⁴-le²³. Xi³ cjoa⁴qui²xi⁴ ma³tsjoa³que⁴-le²³ an³. ²Ji³ xi³ tsjoa³que⁴-le²³, me³-na³ nca³ an³ nca³ to⁴nta³ ca²ta³ma³-li² nca³yi³je³ cjoa⁴, c⁷oa⁴ nca³ nta³ ca²ta³s⁷e³-le⁴ nca³n⁷ion¹ yao³-li⁴, jo³-s⁷in² nca³ nta³ ti¹jna³ ni⁴ma⁴-li⁴. ³Cjoa⁴qui²xi⁴-ni¹, cjai¹ coan³tsjoa³-na³ c⁷ia⁴ nca³ ja³⁷ai³ je² nts⁷e³², c⁷oa⁴ nca³ qui³tsjoa³ en¹ xi³ t⁷a³ts⁷e⁴ cjoa⁴qui²xi⁴-li⁴, jo³-s⁷in² nca³ cao⁴ cjoa⁴qui²xi⁴ to²mjen³-ni³. ⁴Tsin²-na³ cjoa⁴-jin² xi³ nqui²sa⁴ s⁷e⁴-na³ cjoa⁴tsjoa³ jo³-ni³ tsa² je²-vi⁴, nca³ nch⁷oe³-nia³ nca³ je² xti³-na⁴ cao⁴ cjoa⁴qui²xi⁴ tjio¹ma³-ni³.

Juan v⁷a³sje³nta³ je² cjoa⁴nta³-le⁴ Gayo

⁵Ji³ xi³ tsjoa³que⁴-le²³, ña³qui³ nta³ n⁷iain²³ nca³yi³je³ xi³ ni²coai⁴ xi³ t⁷a³ts⁷e⁴ nts⁷e³², c⁷oa⁴ xi³ t⁷a³ts⁷e⁴ xi³ xin² ts⁷e⁴. ⁶Je² c⁷oa⁴-s⁷in² qui³tsjoa³ en¹ xi³ t⁷a³ts⁷e⁴ cjoa⁴tjao²cha³-li⁴ nqui³xcon⁴ cho⁴ta⁴-le⁴ Cristo. Tsa² coi⁴sen⁴coai⁴ je² cho⁴ta⁴-vi⁴ jo³-s⁷in² nca³ va³quin²-le⁴ jo³ tso² Ni³na¹, nta³ s⁷iain⁴. ⁷Je² cho⁴ta⁴-vi⁴ ji³tjo³-ni³

nca³ coan³tsjoa³que³ jan³⁷ain¹-le⁴ Cristo. Li²jme³ xi³ qui³scoe¹ xi³ ts⁷e⁴ cho⁴ta⁴ xi³ li² judío-jin². ⁸Ña¹, tso²c⁷oa⁴, tjin¹ne²-na¹ nca³ c⁷oi⁴nca³n⁷ion¹-le⁴² je² cho⁴ta⁴ xo⁴cjoan³-ve⁴, jme¹-ni³ nca³ to⁴jnco³ si⁴xa¹cao⁴-si¹nia³² xi³ t⁷a³ts⁷e⁴ je² xi³ cjoa⁴qui²xi⁴.

Je² Diótfrefes nchja⁴co²ntran⁴ Juan

⁹An³ xi³ qui³squi³-le⁴ cho⁴ta⁴-le⁴ Cristo, to⁴nca³ je² Diótfrefes xi³ me³-le⁴ nca³ ti¹tjon² c⁷oe¹jna³jin³, li²coi³ tsjoa¹⁷nte³-na³jin⁴. ¹⁰Xi³ to⁴t⁷a³ts⁷e⁴ je² cjoa⁴-vi⁴, tsa² an³ cjoe²⁷e⁴, si³cja³⁷ai³tsjen³ je² xa¹ xi³ s⁷in¹ Diótfrefes, nca³ nchja⁴co²ntran⁴-na³jin⁴ en¹ xi³ ch⁷ao³ tso². Li²coi³ tjin¹jnco³con³ cao⁴ je² cjoa⁴-vi⁴. Li²coi³ tsjoa¹⁷nte³-le⁴ je² nts⁷e³², c⁷oa⁴ v⁷e¹chjoa²-le⁴ je² xi³ me³-le⁴ nca³ tsjoa¹⁷nte³-le⁴, c⁷oa⁴ m⁷aon³sje³jin³ cho⁴ta⁴-le⁴ Cristo.

Je² cjoa⁴qui²xi⁴ xi³ nta³ t⁷a³ts⁷e⁴ Demetrio

¹¹Ji³ xi³ tsjoa³que⁴-le²³, a³li² je²-jin² chjen¹nqui³-lai⁴ xi³ ch⁷ao³ tjin¹, to⁴nca³ je² xi³ nta³ tjin¹. Je² xi³ nta³ s⁷in¹, ts⁷e⁴ Ni³na¹ ni¹, to⁴nca³ je² xi³ ch⁷ao³ s⁷in¹, ni⁴⁷i⁴tse¹-jin² ve³ Ni³na¹. ¹²Nca³ts⁷i³,

c⁷oa⁴-ti⁴ sa³⁷nta³ je² xi³ cjoa⁴qui²xi⁴, tsjoa¹
 en¹ xi³ t²a³ts⁷e⁴ Demetrio. C⁷oa⁴-ti⁴ an³-je⁴
 tsjoa³ en¹-na⁴, c⁷oa⁴ jon² je³⁷yao³ nca³ je²
 en¹-na⁴ cjoa⁴qui²xi⁴-ni¹.

Mi²yo⁴ si¹ti²⁷nta³

¹³Nta³ tsa² tse³ cjoa⁴
 qui³s⁷e³-na³ nca³ qui³squi³-

le²³, li²coi³ me³-na³ nca³ cao⁴
 nta¹jin¹ cao⁴ ni³⁷ña³ squi³-le²³,
¹⁴nca³ co³ya² scoe³nti⁴ton⁴-le²³,
 c⁷oa⁴ cho⁴va²na⁴jmi¹⁷a³².

¹⁵Ca²ta³njen³nch⁷an¹jin³ ni⁴ma⁴-
 li⁴. Je² mi²yo⁴-na¹ si¹ti²⁷nta³-li².
 Ti⁴ti²⁷ntai³ je² mi²yo⁴-na¹ nca³
 jnco¹jnco¹.